

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

Broj: T04 0 KT 0063377 25
Zenica, 22.09.2025. godine

**OPĆINSKOM SUDU U KAKNJU
KAKANJ**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv:

D. T., ... osuđivan, zastupan po advokatu Sarač Maliku, advokatu iz Visokog,

Što je:

Dana 25.03.2025. godine, oko 18,50 sati, u Kaknju, u ..., silom pokušao spriječiti službena lica u obavljanju službene radnje utvrđivanja njegovog identiteta i lišavanja slobode, tako što je na licu mjesta saobraćajne nezgode, na kojem su učesnici u saobraćajnoj nezgodi D. J. i H. V. popunjavali Evropski izvještaj o saobraćajnoj nezgodi, povišenim tonom se obraćao H. V. zbog toga što se nije htio dogovoriti oko naknade štete na vozilu, nepozvan prišao policijskom vozilu u kojem su se nalazili policijski službenici B. J. i K. R., koji su obavljajući redovne poslove i zadatke upućeni od strane rukovodioca smjene na mjesto saobraćajne nezgode te im se povišenim tonom obratio govoreći „poderite to nema od toga ništa, opet mi smještate za saobraćajnu nezgodu“ nakon čega su policijski službenici izašli iz vozila te preduzeli službenu radnju utvrđivanja njegovog identiteta tražeći mu lična dokumenta na uvid i upozoravajući ga da narušava javni red i mir, po kojem zahtjevu nije postupio govoreći „ko ste vi, ne dam vam ličnu kartu, vidjet ćete za ovo , ne znate ko sam ja“, nakon čega mu je ponovo izdata naredba da prestane sa narušavanjem javnog reda i mira, jer će u protivnom biti lišen slobode, odgovorio „ne možete mi vi ništa, hajde me samo dirnite pa da vidite ko sam ja“, zbog čega su policijski službenici preduzeli službenu radnju lišavanja slobode, naredivši mu da stavi ruke na leđa, što je odbio pružajući aktivan fizički otpor i odgurujući policijske službenike od sebe, ali su ga policijski službenici lišili slobode, kojom prilikom su zbog fizičkog opiranja policijski službenici zadobili lakše tjelesne povrede i to K. R. u vidu oguljotinu kože lijevog koljena, a B. J. u vidu oguljotine kože oba koljena i oguljotine kože drugog prsta lijeve šake, iako je znao i bio svjestan da na taj način sprečava službena lica u vršenju službene radnje, te da opiranjem i odguravanjem može nanijeti povrede službenim licima, a što je sve i htio,

Dakle, silom pokušao spriječiti službenu osobu pri obavljanju poslova javne sigurnosti pri čemu je službene osobe lahko tjelesno ozlijedio,

čime je počinio krivično djelo Sprečavanje službene osobe u vršenju službene radnje u pokušaju iz člana 358. stav 3. u vezi sa stavom 2. i stavom 1. i članom 28. KZ FBiH.